



«24» 01 2024 թ.  
№ պլան-ՉԳԺ-43

«ԱՐՄՏԵՔՍԻԼ» ՍՊԸ-ի (ՀՎՀՀ 00498117)  
տնօրեն՝ Ա. Գրիգորյանին  
հասցե՝ ՀՀ, ք. Երևան, Եղիշե Թաղևոսյան 52 34 բն  
էլ. հասցե՝ armtextile77@gmail.com  
հեռ. 010 444-334

ՀՀ պաշտպանության նախարարության և «ԱՐՄՏԵՔՍԻԼ» ՍՊԸ-ի միջև 11.05.2023թ. կնքված N ԳՀԱՊԶԲ-23-22/5-1 գնման պայմանագրի (այսուհետև՝ Պայմանագիր) շրջանակներում «ԱՐՄՏԵՔՍԻԼ» ՍՊԸ-ն 2023թ. 3-րդ եռամսյակում պետք է մատակարարեր ընդհանուր 1 000 հատ պաշտպանիչ հատուկ ակնոցներ (պաշտպանիչ ակնոցներ), որոնք մատակարարվել են 14.11.2023թ., և վերջիններս չեն համապատասխանել Պայմանագրով պահանջվող տեխնիկական պահանջներին:

Հիմք ընդունելով Պայմանագրի 2.1.7.1 կետի «ա» ենթակետը (մատակարարվել է անպատշաճ որակի ապրանք որը չի կարող փոխարինվել Գնորդի համար ընդունելի ժամկետում) և 2.1.7.1 կետի «բ» ենթակետը (ապրանքի մատակարարման ժամկետները խախտվել են 20 օրից ավելի)՝ ՀՀ պաշտպանության նախարարությունը 2024թ. հունվարի 24-ին, միակողմանի ամբողջությամբ լուծել է վերոնշյալ Պայմանագիրը:

Տեղեկացնում եմ, որ «ԱՐՄՏԵՔՍԻԼ» ՍՊԸ-ն պարտավոր է սույն ծանուցումը ստանալուց հետո, 5 (հինգ) բանկային օրվա ընթացքում ՀՀ ֆինանսների նախարարության կողմից բացված գանձապետական 900005028106 հաշվեհամարին փոխանցել 341 760 ՀՀ դրամ՝ որպես տույժ (Պայմանագրի 6.2 կետի համաձայն), որը հաշվարկված է մինչև 14.11.2023թ. դրությամբ և 106 800 ՀՀ դրամ՝ որպես տուգանք (Պայմանագրի 6.3 կետի համաձայն):

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը՝ կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և

(կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարները:

Հաշվի առնելով վերոգրյալը՝ տեղեկացնում եմ, որ Պայմանագրի միակողմանի ամբողջությամբ լուծման արդյունքում պայմանագրի կատարման ապահովման գումարը կազմում է 3 900 000 ՀՀ դրամ, որն անհրաժեշտ է փոխանցել ՀՀ ֆինանսների նախարարության կողմից բացված գանձապետական 900005000758 հաշվեհամարին, իսկ որակավորման ապահովման գումարը կազմում է 5 850 000 ՀՀ դրամ, որն անհրաժեշտ է փոխանցել ՀՀ ֆինանսների նախարարության կողմից բացված գանձապետական 900008000664 հաշվեհամարին:

Ընդ որում, Պայմանագրի միակողմանի ամբողջությամբ լուծման արդյունքում, պայմանագրի և որակավորման ապահովման գումարները մինչև 02.02.2024թ. ներառյալ, Ձեր կողմից վճարվելու դեպքում՝ «ԱՐՄՏԵՔՍԻԼ» ՍՊԸ-ն չի ներառվի գնումների գործընթացին մասնակցելու իրավունք չունեցող մասնակիցների ցուցակում: Նշված գումարներն անհրաժեշտ է վճարել Կենտրոնական գանձապետարանում լիազորված մարմնի անվամբ բացված վերը նշված գանձապետական հաշիվներին և վճարված կտրոնների բնօրինակները մինչև 02.02.2024թ. ներառյալ ներկայացնել ՀՀ ՊՆ գնումների կազմակերպման վարչություն, 2072 սենյակ:



Կ. ԲՐՈՒՏՅԱՆ